



О‘ЗБЕКИСТОН RESPUBLIKASI XALQ DEPUTATLARI NAMANGAN VILOYATI KENGASHINING QARORI

Namangan sh. Istiqlol ko`chasi 57.

2021 - yil 13 - noyabr

VI-26-49-6-0-K/21

Namangan viloyati hokimligi

Ўзбекистон Республикаси Олий Мажлиси Сенатининг 2021 йил 28 майдаги СҚ-297-IV-сонли қарори ижроси ҳақида

Сўнгги тўрт йилда хотин-қизлар ва эркаклар учун тенг ҳуқуқ ҳамда имкониятларга эришиш, жамият ва давлат ишларини бошқаришда уларнинг тенг иштирок этишини таъминлаш, хотин-қизларни ижтимоий-ҳуқуқий жиҳатдан қўллаб-қувватлаш, шунингдек, хотин-қизларни тазйиқ ва зўравонликлардан ҳимоя қилишга қаратилган кенг кўламли ислоҳотлар амалга оширилди.

Гендер тенглик масаласи давлат сиёсати даражасига кўтарилиб, соҳага оид 25 та қонунчилик ҳужжати қабул қилинди.

Жумладан Ўзбекистон Республикасининг 2019 йил 2 сентябрдаги “Хотин-қизларни тазйиқ ва зўравонликдан ҳимоя қилиш тўғрисида”ги ЎРҚ-561- сонли Қонуни, ҳамда “Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида” ги ЎРҚ-562-сонли Қонуни имзоланиб ижрога қаратилган.

Ўзбекистон Республикаси Олий Мажлиси Сенатининг 2021 йил 28 майдаги “2030 йилга қадар Ўзбекистон Республикасида гендер тенгликка эришиш стратегиясини тасдиқлаш ҳақида”ги СҚ-297-IV-сонли қарори тасдиқланди.

Ўзбекистон БМТ Низомининг мақсад ва принципларига ҳамда халқаро ҳуқуқнинг бошқа умумэтироф этилган нормаларига содиқ эканликларини доимо кўрсатиб келган.

БМТ Бош Ассамблеясининг 2015 йилнинг сентябрида Барқарор

ривожланиш бўйича ўтказилган саммитида 70-сон резолюцияси қабул қилиниб, мамлакатимиз учун долзарб ҳисобланган 16 та миллий мақсадга эришиш бўйича 125 та мақсадли вазифа ҳамда 206 та индикатор ишлаб чиқилган.

Хусусан, барқарор ривожланиш соҳасидаги 5-мақсад - Гендер тенгликни таъминлаш ва барча хотин-қизларнинг ҳуқуқ ва имкониятларини кенгайтириш мамлакатимизда хотин-қизлар ва эркекларнинг тенг ҳуқуқ ҳамда имкониятларини таъминлашга қаратилган ислохотлар билан ҳамоҳангдир. Юқоридагилардан келиб чиқиб, халқ депутатлари вилоят Кенгаши

ҚАРОР ҚИЛАДИ:

1. Ўзбекистон Республикаси Олий Мажлиси Сенатининг 2021 йил 28 майдаги “2030 йилга қадар Ўзбекистон Республикасида гендер тенгликка эришиш стратегиясини тасдиқлаш ҳақида”ги СҚ-297-IV-сонли қарори раҳбарлик ва ижро учун қабул қилинсин.

2. Ўзбекистон Республикаси Олий Мажлиси Сенатининг мазкур қарори билан:

қуйидагилар:

2030 йилга қадар Ўзбекистон Республикасида гендер тенгликка эришиш стратегияси тасдиқлангани;

2030 йилга қадар Ўзбекистон Республикасида гендер тенгликка эришиш стратегиясининг мақсадли кўрсаткичлари (бундан буён матнда Мақсадли кўрсаткичлар деб юритилади) мувофиқ тасдиқланганлиги;

Гендер стратегиясини 2020-2022 ва 2023-2030 йилларда босқичма-босқич амалга ошириш учун ҳар йилда алоҳида-алоҳида комплекс чоратadbирлар дастурлари тасдиқланиши инобатга олинсин.

3. Гендер стратегиясини вилоятда амалга ошириш мақсадида ташкил этилган вилоят комиссияси 1-иловага (кейинги ўринларда Гендер тенглик ва зўравонликни олдини олиш вилоят комиссияси деб юритилади), мазкур комиссия ҳақидаги низом 2-иловага мувофиқ тасдиқлансин.

4. 2030 йилга қадар вилоятда гендер тенгликка эришиш стратегияси ва гендр зўравонликни олдини олиш тўғрисида 2021-2022 йилларда Фарғона

вилоятида амалга ошириш бўйича комплекс чора-тадбирлар дастури 3-иловага мувофиқ тасдиқлансин.

5. Гендер тенглик ва зўравонликни олдини олиш вилоят комиссияси, шаҳар туман ҳокимликлари ва маъсул бошқарма ташкилотлар:

Комплекс чора-тадбирлар дастурида белгиланган вазифаларнинг ўз вақтида ва сифатли ижро этилишини таъминласин;

ҳар чорак якуни бўйича Комплекс чора-тадбирлар дастури доирасида амалга оширилган ишлар тўғрисида Ўзбекистон Республикаси Олий Мажлиси Сенатига ахборот киритиб борсин.

6. Гендр тенглик ва зўравонликни олдини олиш вилоят комиссияси:

доимий равишда Маҳалла ва оилани қўллаб-қувватлаш бошқармаси билан биргаликда Гендр тенглик ва зўравонликни олдини олишнинг мазмун-моҳияти ва аҳамиятини аҳоли ўртасида кенг тарғиб қилиш чораларини кўрсин;

ҳар йили давлат органлари, нодавлат нотажорат ташкилотлари иштирокида Гендр тенглик ва зўравонликни олдини олиш доирасида амалга оширилаётган ислохотлар юзасидан ахборот-таҳлилий шарҳлар тайёрланишини, кенг жамоатчилик муҳокамалари ташкил этилишини ва эълон қилиб борилишини таъминласин;

Комплекс чора-тадбирлар дастурининг ижро этилиши ҳамда Мақсадли кўрсаткичларга эришиш бўйича амалга оширилган ишлар юзасидан маъсул бошқарма ташкилотлар ахборотларини эшитиб, танқидий муҳокама қилиб борсин.

7. Халқ депутатлари шаҳар, туман Кенгашларига ҳар чоракда ҳудудий чора-тадбирлар дастурларининг ижро этилиши юзасидан маъсулларнинг раҳбарларнинг ахборотини эшитиш ва танқидий муҳокама қилиб бориш тавсия этилсин.

8. Наманган вилоят телерадиокомпанияси (М.Мақсудов), Ахборот ва оммавий коммуникациялар бошқармаси (А.Эргашев)га:

қарорнинг мазмун-моҳияти оммавий ахборот воситалари ва ижтимоий тармоқларда тушунтирилишини;

Гендер стратегиясининг амалга оширилиши тўғрисидаги ҳолис ва

тўлиқ маълумотларнинг кенг жамоатчиликка тезкор етказилишини таъминлаш тавсия этилсин.

9. Мазкур қарорнинг ижросини назорат қилиш вилоят ҳокимининг хотин-қизлар масалалари бўйича маслаҳатчиси И.Қўчқарова зиммасига юклансин.

Viloyat hokimi



Sh.Abdurazakov

Халқ депутатлари Наманган
вилоят Кенгашининг
2021 йил 13 ноябрдаги
VI-26-49-6-0-К/21-сон қарорига
1-илова

Гендер тенглик ва зўравонликни олдини олиш вилоят комиссияси

ТАРКИБИ

№	ФИО	Иш жойи лавозими
1	Ш.Абдуразаков	Вилоят ҳоқими, Гендер тенгликни таъминлаш ва зўравонликни олдини олиш бўйича вилоят комиссияси раиси
2	Т.Юсупов	Вилоят ҳоқимининг биринчи ўринбосари - иқтисодий тараққиёт ва камбағалликни қисқартириш бош бошқармаси бошлиғи
3	Ш.Мусаев	Вилоят ҳоқимининг ўринбосари-Маҳалла ва оилани қўллаб-қувватлаш бошқармаси бошлиғи
4	И.Қўчқарова	Вилоят ҳоқимининг Хотин-қизлар масалалари бўйича маслаҳатчиси, Гендер тенгликни таъминлаш ва зўравонликни олдини олиш бўйича вилоят комиссияси раиси ўринбосари
5	Р.Абдуллаев	Халқ депутатлари вилоят Кенгаши котибияти
6	Ж. Хатамов	Вилоят прокурори
7	А.Атаходжаев	Ички ишлар бошқармаси бошлиғи
8	А.Иминов	Соғлиқни сақлаш бошқармаси бошлиғи
9	Х.Ходжаев	Ўзбекистон касаба уюшмалари Федерациясининг Наманган вилоят Кенгаши раиси
10	Х.Сабиров	Адлия бошқармаси бошлиғи
11	Р.Исраилов	Халқ таълими бошқармаси бошлиғи
12	Ҳ.Юсупова	Мактабгача таълим бошқармаси бошлиғи
13	А.Сафаев	Вилоят суди раисининг ўринбосари, Фуқаролик ишлари бўйича судлов ҳайъати раиси
14	Р.Расулов	Бандлик бош бошқармаси бошлиғи
15	Б. Мирзатов	Ёшлар ишлари агентлигининг вилоят бошқармаси бошлиғи
16	Н.Ибрагимова	"Тадбиркор маркази" Наманган бўлими раҳбари
17	Н.Рахимжанова	Аёлларни реабилитация қилиш ва мослаштириш вилоят маркази раҳбари

Халқ депутатлари Наманган
вилоят Кенгашининг
2021 йил 13 ноябрдаги
VI-26-49-6-0-К/21-сон қарорига
2-илова

2030 йилга қадар Ўзбекистон Республикасида гендер тенгликка эришиш стратегиясини 2021-2022 йилларда

Наманган вилоятида амалга ошириш бўйича комплекс чора-тадбирлар

ДАСТУРИ

Т/р	Амалга ошириладиган тадбирлар	Амалга ошириш механизми	Муддати	Ижро учун масъуллар
I. Хотин-қизлар ва эркаклар учун тенг ҳуқуқ ҳамда имкониятларни таъминлашга қаратилган қонунчилик асосларини такомиллаштириш				
	Гендер тенгликни таъминлаш механизмларини кучайтириш мақсадида «Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида»ги Қонунга ўзгартиш ва қўшимчалар киритиш юзасидан тақлифлар киритиш.	«Хотин-қизлар ва эркаклар учун тенг ҳуқуқ ҳамда имкониятлар кафолатлари тўғрисида»ги Қонунга ўзгартиш ва қўшимчалар киритиш юзасидан тақлифлар киритиш.	2021 йил ноябрь	Гендер тенгликни таъминлаш масалалари бўйича комиссия, Маҳалла ва оилани қўллаб-қувватлаш бошқармаси, Адлия бошқармаси
2	Ижтимоий ҳимояга муҳтож хотин-қизлар ҳамда болаларнинг моддий ва маънавий ҳуқуқларини ҳимоя қилиш тизимини такомиллаштириш.	Алимент ундириш бўйича суд қарорларини ижро қилиниши юзасидан қарор лойиҳасига тақлиф киритиш.	2021 йил июль	Гендер тенгликни таъминлаш масалалари бўйича комиссия, Прокуратура, Адлия бошқармаси Маҳалла ва оилани қўллаб-қувватлаш бошқармаси
3	Хотин-қизлар тадбиркорлигини, илмий ва ихтирочилик фаолиятини қўллаб-қувватлаш ҳамда гендер статистикасини юритиш тизимини такомиллаштириш.	Куйидагиларни назарда тутувчи норматив-ҳуқуқий ҳужжат лойиҳасига тақлиф киритиш: кичик бизнес ва хусусий тадбиркорлик билан шуғулланиш истагида бўлган хотин-қизлар фаолиятини субсидия ва грант шаклида қўллаб-қувватлаш; хотин-қизларнинг ихтирочилик ҳамда рационализаторлик фаолиятини рағбатлантириш тизимини такомиллаштириш;	2021 йил ноябрь	Гендер тенгликни таъминлаш масалалари бўйича комиссия, Иқтисодий тараққиёт ва камбағалликни қисқартириш бошқармаси, Молия бошқармаси Инновацион ривожланиш бошқармаси
4	Таълим муассасаларидаги иқтидорли қизларни ижодий салоҳиятини қўллаб-қувватлаш ҳамда ривожлантириш мақсадида улар томонидан яратилган интеллектуал лойиҳаларни чоп эттириш.	Илм-фан соҳасидаги иқтидорли қизларни ижодий салоҳиятини қўллаб-қувватлаш ҳамда ривожлантириш мақсадида улар томонидан яратилган интеллектуал лойиҳаларни чоп эттириш.	2022 йил январь	Гендер тенгликни таъминлаш масалалари бўйича комиссия, Олий таълим муассасалари, Халқ таълими бошқармаси, Ёшлар ишлари агентлиги
II. Мамлакатимизни ижтимоий-иқтисодий, сиёсий-ҳуқуқий, маданий ва гуманитар ривожлантиришда хотин-қизлар ва эркаклар учун тенг ҳуқуқ ҳамда имкониятларни таъминлашга қаратилган чора-тадбирларни амалга ошириш				
5	«Ўзбекистон тараққиётида парламентдаги аёлларнинг роли» мавзусидаги анъанавий форумда иштирок этиш.	Форумда: хотин-қизлар ҳуқуқлари ва манфаатларини ҳимоя қилиш борасида олиб борилаётган ислохотлар, эришилган натижалар ва мавжуд муаммоларни муҳокама қилиш; парламентдаги аёллар томонидан йил давомида амалга оширилган ишларни сарҳисоб қилиш; ижтимоий-иқтисодий, сиёсий, маданий ҳамда гуманитар соҳаларда хотин-қизлар ҳуқуқларини ҳимоя қилиш, гендер тенгликни таъминлаш бўйича тавсиялар ишлаб чиқиш.	2021-2022 йиллар декабрь	Гендер тенгликни таъминлаш масалалари бўйича комиссия, Халқ депутатлари вилоят кенгаши котибияти

6	Аҳолини ташвишга солаётган муаммоларни раҳбарлик лавозимидаги хотин-қизлар томонидан ҳудудга чиқиб ҳал қилиш амалиётини кенгайтириш.	1. Аҳолини ташвишга солаётган муаммоларнинг туб илдизини ўрганиш. 2. Ҳудудларда аҳоли турмуш даражасини юксалтиришга масъул идоралар (тузилмалар) фаолиятининг самарадорлигини таҳлил қилиш. 3. «Темир дафтар», «Аёллар дафтари», «Ёшлар дафтари»нинг ҳолатини танқидий қўриб чиқиш. 4. Хотин-қизлар жамоатчилиқ кенгашлари фаоллари ва аъзолари имкониятидан кенг фойдаланиш.	2021 йил декабрь	Маҳалла ва оилани қўллаб-қувватлаш бошқармаси, Ёшлар ишлари агентлиги, Иқтисодий тараққиёт ва камбағалликни қисқартириш бошқармаси, шаҳар туман ҳокимликлари, нодавлат нотижорат ташкилотлари
7	Хотин-қизларнинг ҳуқуқий онги ва ижтимоий-сиёсий фаоллигини ошириш.	Хотин-қизларнинг ҳуқуқий онги ва маданиятини оширишга қаратилган сиёсий-ҳуқуқий ўқувларни доимий равишда ташкил этиш.	2021 йил декабрь	Гендер тенгликни таъминлаш масалалари бўйича комиссия, Адлия бошқармаси, манфаатдор бошқарма ташкилотлар
8	Сайлов жараёنларига хотин-қизлар ва эркаларни тенг асосда жалб қилиш.	1. Сайлов комиссияларини шакллантиришда хотин-қизлар ва эркалар учун тенг ҳуқуқ ҳамда имкониятларни таъминлаш. 2. Сайловнинг барча босқичларида хотин-қизлар ва эркаларнинг тенг асосда иштирокини кузатувчи индикаторларни ишлаб чиқиш.	2021 йил ноябрь	Гендер тенгликни таъминлаш масалалари бўйича комиссия, Марказий сайлов комиссиясининг вилоятдаги вакили
9	Ҳар бир бошқарма ва ташкилотда, маҳаллий давлат ҳокимияти органлари, шунингдек, суд органларида хотин-қизларнинг кадрлар захирасини шакллантириш.	1. Барча соҳаларда фаолият кўрсатиб келаётган лидерлик хусусиятига эга бўлган, ташаббускор, иқтидорли хотин-қизлар рўйхатининг электрон базасини шакллантириш. 2. Ўзбекистон Республикаси Президенти ҳузуридаги Давлат бошқаруви Академиясини тамомлаган аёл кадрлар захирасини шакллантириш. 3. Давлат хизматини ривожлантириш агентлиги томонидан барча маълумотларни умумлаштириш ва иқтидорли хотин-қизларни раҳбар кадрлар захирасига электрон базасини шакллантириш.	2021 йил декабрь	Гендер тенгликни таъминлаш масалалари бўйича комиссия, Давлат хизматини ривожлантириш агентлиги, манфаатдор бошқарма ташкилотлар, шаҳар туман ҳокимликлари
10	Мактабгача таълим ташкилотлари тарбиячилари, умумтаълим мактаблари ўқитувчиларининг мамлакатда бўлаётган сиёсий ўзгаришлар жараёнидаги гендер сиёсатини тарғиб қилишга оид ўқувлар ташкил қилиш.	1. Ўзбекистон Республикаси Президенти ҳузуридаги Давлат бошқаруви академияси ҳудудий филиаллари билан ҳамкорликда жойлардаги мактабгача таълим муассасалари тарбиячилари, умумтаълим мактаблари ўқитувчиларининг фуқаролик масъулиятини оширишга қаратилган ўқув дастурлар тузиш.	2022 йил ноябрь	Гендер тенгликни таъминлаш масалалари бўйича комиссия, Давлат бошқаруви академияси филиаллари, Мактабгача таълим бошқармаси, Халқ таълими бошқармаси
11	Республиканинг барча ҳудудларидаги, айниқса чекка қишлоқлардаги иқтидорли қизларни излаб топиш, уларни ижодий салоҳиятини қўллаб-қувватлаш ҳамда ривожлантириш, улар томонидан яратилган интеллектуал лойиҳаларни тарғиб этиш ишларига қўмаклашиш.	1. Чекка ҳудудлардаги иқтидорли қизларни аниқлаш. 2. Уларнинг интеллектуал лойиҳаларга жалб қилиш. 3. Улар учун имтиёзли асосда хорижий тиллар, ахборот технологиялари бўйича ўқув курсларини жорий этиш.	2021 йил ноябрь	Гендер тенгликни таъминлаш масалалари бўйича комиссия, Ёшлар ишлари агентлиги, Маҳалла ва оилани қўллаб-қувватлаш бошқармаси, Халқ таълими бошқармаси, шаҳар туман ҳокимликлари

12	Ижтимоий ҳимояга муҳтож ҳамда ишсиз фуқароларни, айниқса чегара (ёки анклав), чекка ва бориш қийин бўлган олис (тоғли, чўлли) ҳудудлардаги аҳоли бандлигини таъминлаш, уларни ижтимоий қўллаб-қувватлаш бўйича чора-тадбирлар қўламини кенгайтириш.	Қўшма чора-тадбирлар дастурини ишлаб чиқиш. Бунда: ишсиз хотин-қизлар ва эркекларни «Ишсиз ва банд бўлмаган аҳолини касб-хунарга ўқитиш ҳудудий марказлари»да ўқитиб бориш; «Аҳолини иш билан таъминлашга кўмаклашувчи вилоят (шаҳар) марказлари» орқали ишлаш истагида бўлган фуқаролар бандлигини таъминлаш назарда тутилади.	2021 йил декабр	Меҳнат бошқармаси, Маҳалла ва оилани қўллаб-қувватлаш бошқармаси, Иқтисодий тараққиёт ва камбағалликни қисқартириш бошқармаси, Молия бошқармаси
13	Ўзини ўзи банд қилган хотин-қизлар ва эркекларни қўллаб-қувватлаш, бундай шахслар томонидан кўрсатилаётган хизмат турларини кенгайтириш, аҳолининг ўзини ўзи банд қилишга бўлган қизиқишини рағбатлантириш.	1. Ўзини ўзи банд қилган шахсларга солиқлардан бериладиган имтиёзлар бўйича тарғибот ишларини амалга ошириш. 2. Меҳнат бошқармаси билан биргаликда ўзини ўзи банд қилиш бўйича ўқув курсларни ташкил қилиш.	2021 йил декабрь	Гендер тенгликни таъминлаш масалалари бўйича комиссия, Солиқ бошқармаси, Меҳнат бошқармаси Иқтисодий тараққиёт ва камбағалликни қисқартириш бошқармаси, шаҳар туман ҳокимликлари
14	Ўрта ва ўрта махсус маълумотга эга фуқаролар учун меҳнат бозорида муносиб иш ўринларининг ҳамда кафолатланган меҳнат шароитларининг яратилишини қўллаб-қувватлаш.	1. Ўрта ва ўрта махсус маълумотга эга фуқаролар бандлигини таъминлашга кўмаклашиш. 2. Бундай тоифадаги хотин-қизлар ва эркекларнинг ўзини ўзи банд қилиш, уларга кредит ва субсидиялар бериш учун Давлат бюджетидан маблағлар ажратиш тизимини такомиллаштириш	2021-2022 йиллар	Бандлик ва меҳнат муносабатлари бошқармаси, Иқтисодий тараққиёт ва камбағалликни қисқартириш бошқармаси, Молия бошқармаси, Марказий банк
15	Мактабгача таълим, умумий ўрта таълим, соғлиқни сақлаш ҳамда эркеклар улуши кам бўлган бошқа соҳаларга хотин-қизлар билан тенг равишда эркекларни жалб қилишга доир фаолиятни қўллаб-қувватлаш	1. Мактабгача таълим, умумий ўрта таълим, соғлиқни сақлаш ҳамда бошқа соҳаларда хотин-қизлар ва эркеклар улушини таҳлил қилиш. 2. Мактабгача таълим, умумий ўрта таълим, соғлиқни сақлаш ҳамда эркеклар улуши кам бўлган бошқа соҳаларда кафолатланган меҳнат шароитларини яхшилаш. 3. Ушбу соҳаларда қўшимча моддий ва маънавий рағбатлантириш тизимини жорий этиш ҳамда имтиёзларни белгилаш юзасидан таклифлар ишлаб чиқиш назарда тутилади.	2021 декабрь	Гендер тенгликни таъминлаш масалалари бўйича комиссия, Мактабгача таълим бошқармаси, Халқ таълими бошқармаси, Олий таълим муассасалари, Соғлиқни сақлаш бошқармаси, Меҳнат бошқармаси
16	Хотин-қизлар ва эркекларнинг жинс бўйича бевосита ва билвосита қамситишларнинг олдини олишда давлат органлари, нодавлат нотижорат ташкилотлари ва фуқаролик жамиятининг бошқа институтлари ўртасидаги ижтимоий шерикликни мустаҳкамлаш.	1. Давлат органлари ҳузуридаги жамоатчилик кенгашиларининг мазкур йўналишдаги фаолиятини самарали ташкил этиш. 2. Нодавлат нотижорат ташкилотлари ва фуқаролик жамиятининг бошқа институтлари учун давлат гранти эълон қилиш ва ижтимоий буюртмасини жойлаштириб бориш. 3. Мазкур йўналишда жамоатчилик эшитувларини ташкил этиш.	2021-2022 йиллар	Гендер тенгликни таъминлаш масалалари бўйича комиссия, маҳаллий давлат ҳокимияти органлари, «Юқсалиш» умуммиллий ҳаракати (<i>Б. Бекмуродов</i>), нодавлат нотижорат ташкилотлари

17	Тазйик ва зўравонлик ҳолати қайд этилган оилалар, иш жойлари, жазони ижро этиш муассасалари ва бошқа объектларнинг ҳисобини юритиш, шунингдек тазйик ва зўравонлик содир этишга мойил бўлган ёки уларни содир этган ғайриижтимоий хулқ-атворга эга шахсларни аниқлаш ҳамда улар билан профилактик ишлар ўтказиш.	Қуйидагиларни назарда тутувчи алоҳида чора-тадбирлар режаси ишлаб чиқиш ва амалга ошириш: оилалар, иш жойлари, жазони ижро этиш муассасалари ва бошқа объектларда қайд этилган тазйик ва зўравонлик ҳолати юзасидан ушбу объект раҳбарлари ва аъзолари билан профилактик тадбирларни ташкил этиш; жойларда оилалар билан ишлаш, тазйик ва зўравонлик содир этишга мойил бўлган шахсларни аниқлаш ва уларни қайта тарбиялаш чораларини кўриш; тазйик ва зўравонликдан жабрланганларни оғир ҳаётги вазиятдан чиқариш, кўрсатилаётган ижтимоий хизматларни такомиллаштириш бўйича таклифлар ишлаб чиқиш; жазони ижро этиш муассасаларидан қайтган хотин-қизлар ва эркакларнинг ижтимоий мослашувига кўмаклашиш; ривожланган мамлакатларнинг тажрибасини чуқур ўрганган ҳолда «зўравон» шахслар билан ишлаш тизимини такомиллаштириш, бу борада махсус ўқув дастурларни ишлаб чиқиш.	Доимий	Гендер тенгликни таъминлаш масалалари бўйича комиссия, Ички ишлар бошқармаси, Маҳалла ва оилани қўллаб-қувватлаш бошқармаси, шаҳар туман ҳокимликлари
III. Давлат ва жамият қурилишида хотин-қизлар ва эркаклар учун тенг ҳуқуқ ҳамда имкониятларнинг яратилганлиги ҳолатини ўрганиш, шунингдек жамиятда гендер тенгликнинг таъминланганлик даражасини аниқлашга қаратилган ижтимоий сўровларни ташкил этиш				
18	Маҳаллий ижроия ҳокимияти органларининг раҳбарлик лавозимларига хотин-қизларни тайинлаш ҳолатини ўрганиш.	1. Гендер тенгликни таъминлаш соҳасидаги хорижий тажрибаларни ўрганиш. 2. Маҳаллий ижро ҳокимияти органларининг раҳбарлик лавозимларига тайинланган хотин-қизлар орасида сўровномалар, интервью ўтказиш орқали уларнинг бир йиллик фаолиятини ўрганиш. 3. Маълумотларни умумлаштириш, таҳлил қилиш, унинг натижаларини ОАВда эълон қилиш.	2021 йил декабрь	Гендер тенгликни таъминлаш масалалари бўйича комиссия, Халқ депутатлари вилоят Кенгаши котибияти, шаҳар туман ҳокимликлари
19	Иқтисодиётнинг норасмий секторида хотин-қизлар ва эркакларнинг бандлиги, улар учун муносиб ва қафолатланган меҳнат шароитларининг яратилганлиги ҳолатини ўрганиш.	Қуйидагиларни назарда тутувчи таҳлилий маълумотнома тайёрлаш: олиб борилаётган ислохотларнинг ҳудудлардаги норасмий бандликка таъсири; норасмий сектор иштирокчиларининг ҳуқуқий ва ижтимоий ҳимояланганлиги ва бошқалар.	2021-2022 йиллар	Гендер тенгликни таъминлаш масалалари бўйича комиссия, Халқ депутатлари вилоят Кенгаши котибияти, шаҳар туман ҳокимликлари
20	Мамлакатда гендер тенгликнинг таъминланиши, олиб борилаётган ислохотларнинг натижадорлигини баҳолашга қаратилган туркум ижтимоий сўровларни ўтказиш.	1. «Хотин-қизлар ва эркаклар учун тенг ҳуқуқ ҳамда имкониятларни таъминлашда давлат ҳокимияти органларининг роли ҳақида». 2. «Гендер тенглик: хотин-қизлар ва эркакларни қўллаб-қувватлаш бўйича чора-тадбирлар натижадорлигини баҳолаш». 3. «Хотин-қизлар ва эркаклар учун тенг ҳуқуқ ва имкониятларнинг қафолатлари тўғрисида»ги мавзуларида ижтимоий сўровларни ўтказиш.	2021 йил 2022 йил	Гендер тенгликни таъминлаш масалалари бўйича комиссия, Халқ депутатлари вилоят Кенгаши котибияти, шаҳар туман ҳокимликлари